

LOGO BANA TIGISIM NABIINA DWE-LAO WADE

PULIM

De na se we nabiina hwea de logo bana chega chwonja wade maama kugu zege logo maama wopwolo, de chega de yezura bana ne.

De na se we de na ba toge chega chwonja to mo jaane nikantogo de tigura de popora ko twi nabiina lana ne, ye nabiina maama yaa lage se wopwolo de yezura yaa taa wora.

De na se we nnono maama taa tei o tete se tigura de popora ye taa wora, fefeo de peenem hwaane, se wade sem ja kuri.

De na se we teene maama taa jege wolim, de ni seem de mimoro.

De na se we "UN Charter" tono kom pane ko se wade sem hwea wolim hwaane se baara de kaana taa ye bedwe logo ywonni de wopwolo de yezura hwaane.

De na se we UN Tigisim teene dem maama ke nimoro se chega chwonja wade sem ja kuri nabiina zula de wopwolo hwaane.

De ta na se we ko yaa lamma lanyerane se de ni wade sento kuri se ko ja wopwolo de yezura ko ba logo bana.

De Laam wo se we

"General Assembly" dem pe

Logo Bana Tigisim Wade sem se ko taa ye won-kolo kodoo na wo woli ko ja wopwolo de logo fagem de yezura na wo pa nabiina hwea taa jege kuri logo bana maama ne to.

Wadaa 1

Ba loge nnona maama se ba taa ye bedwe mo ba hwea de ba chega seini, ye fefeo teira kotoa. We pe ba swa de bobona mo se ba taa ye nubi daane ye ba jege da hwanja.

Wadaa 2

Logo bana tigisim wade sem pe chwonja se nnono maama taa jege chega chwonja na wo pa ba hwea taa jege zula to. Wade sem ta we ba ba fee nabiinu o chega chwonja ne naa ba cheese o dwi o yetana, o logo lane, o we jnono naa o bobona hwaane. Wade sem ta we ba ba jege se ba taa cheese nnono we o ye baaro naa kaane, kwoo o jejegero naa ba na loge o me to hwaane.

Wade sem ta tage se woli da we popora ba jege se ka taa wora nabiina lana ne ba teo politiksi naa ko wade naa ko na ye kolo to hwaane. Naa ba pcore nnono we o wonji teo kolo ta na wo vere ko tete to hwaane.

Wadaa 3

Ko ye nnono maama chega chwonja mo se o taa hwe ye fefeo naa foonee teira.

Wadaa 4

Wadaa kam we nabiin-yeiku naa kabe totona naa kabe pipio daa ye taa wora logo bana ne.

Wadaa 5

Ba ba jege chwonja se ba pa nnono yaare cham yerane ko na wo mane se nabiinu yaare tei to.

Wadaa 6

Nnono maama ye nabiinu mo o ze panj o wo me maama logo bana yoba. Logo bana wade sem maama yiga ne, wadaa teira na wo ta we o dae nabiinu.

Wadaa 7

Nabiina maama ye bedwe mo wadaa yiga ne. Wadaa choo nnono maama mo; ka ba pcore nnona ka yaga. Ka kwoli nabiina maama mo se wolo wolo ye cheese o dwonj.

Wadaa 8

Nnono maama wae o sanj nnono o dwonj kote delo maama wone nenene ko tu na ke o choge teo kom wade selo na pa nnono wom hwea ywona to.

Wadaa 9

Ba baa wane ba ja nnono yoo yerane ba gare ba ke o peena diga naa ba zeili o o teo ne pa o vo zoora te-gaa ne.

Wadaa 10

Ba na jaane nnono fee wora se ba di o sareya kote ne lanyerane ko manj de teo kom wade na tiji tei to ba ni o seene o choge naa o wo choge.

Wadaa 11

Ba na jaane nɔɔno we o chɔge o mɛge waarem ba na wo di o bora tata ba ba jege chwonja ba te we chɔge fee wora se ba pa ko tu chwonja se o ja loya de sareya tiina se ba woli o se ba di taane dem kɔɔte ne.

Ba baa wane ba ta we nɔɔno yaa ke o chɔge naa ba ta we o ve se o yaa ke kolo na mɛge keim chega chwonja ne to, ye ka mɛja ne wadaa yaa teira ko ɲwaane. Ko kwaga ne tata ba baa wane ba pa nɔɔno waarem na dage de dwoi waarem delo dwi o deim yaa na wo jwonj o na chɔge mɛja kalo to.

Wadaa 12

Ba ba jege chwonja ba daane nɔɔno yɔɔ yerane o bobonja keiri seini, naa o diga tiina, naa o sɔɲɔ de o pwola totonja seini. Ba nam ba jege chwonja ba ke o kekeo kolo na wo chɔge nɔɔno wom yu to. Wadaa kanto choo nɔɔno maama mo o kekeo maama seini, ye daanem teira.

Wadaa 13

Nɔɔno maama wae o beiri o bobonja na lage tei ye o zoore o bobonja na lage mɛ maama to, o teo ne.

Nɔɔno maama wae o nwonj teo de teo, naa o tete teo ne o beiri o vei teo kodwonj ye o jwoora.

Wadaa 14

Nɔɔno wolo maama na nɛ chem o teo ne, o wane o duri o vo o taa zoore sateene dedwonna ne o wopwolo de yezura ɲwaane.

De ko de, o cham dem na dae nenɛne politiksi laɲa ne ko wo taa chamma se o duri o nwonj. O na chɔge teo kom wadɛ ge mo naa o kekeo kom na wo de UN wadɛ sem na mɛge tei to sateene dedwonna baa sɛ de jwonj o mɔle mɔle.

Wadaa 15

Nɔɔno maama jege teo, o na nwonj mɛ.

Ba baa wane ba zeili nɔɔno o teo ne, naa ba fee o se o ye leiri teo o bobonja na lage tei to.

Wadaa 16

Baara de kaana na bege ba ti to wae ba di daane ye ba yetana, naa ba na nwonj tekolo, naa ba na tɔge Wɛchwonja kalo dwi to baa wane ko cheiɲi ba se ba ye di daane ba lo sɔɲɔ. Ye ba kadiri seini ba maama ma daane, ba zora de ba ɲwea seini, ye ba wae ba yage daane mɛja de mɛja, ba tete bobonja na lage tei.

Kadiri wio ye baaro de kaane tete yerane na sɛ se ba zo daane, ye ko dae we nɔɔno mo fee ba to.

Sɔɲɔ tiina – baaro de o kaane de o bu – mo ye sayu kugu takeiri wone. Konto ɲwaane tekeiri dem de teo kom maama jege se ba taa ni ba baɲa ne mo, ba taa choo ba wolwanno maama wone.

Wadaa 17

Nɔɔno maama wae o jege o tete nyɔɔne wonno, naa o de o badwonna wae ba tei wonno daane.

Ba baa wane ba vere nɔɔno wonno naa ba pa se o ye taa lage wonno.

Wadaa 18

Nɔɔno maama wae o bonj o na lage tei. O wae o ke o bobonja keiri, o wae o tɔge Wɛchwonja kalo dwi o na lage to; o nam ta wae o leiri o Wɛchwonja naa o bonjem o yerane naa o de kɔɔ, ye o bere nɔɔna Wɛchwonja kam o taane de o totonja seini.

Wadaa 19

Nɔɔno wae o ɲɔɔne o bobonja na lage tei. O wae o tɛ kolo maama o na bonje o yu ne, ye nɔɔno ba jege chwonja se o cheiɲi o ni. O wae o beiri labaare o bobonja o daare o pae labaare dwi maama labaare tonno de walese bam maama wone se de jage jei mamma.

Wadaa 20

Nɔɔno maama wae o tɔge o zoore assemble naa tigisim dwi maama na ye yezura tigisim to.

Ba baa wane ba fee nɔɔno se o zo tigisim delo o na ba lage to.

Wadaa 21

Nɔɔno maama wae o tɔge o di o teo gɔmente paare; o nam ta wae o tɔge o voti o kuri nɔɔna o ke gɔmente dem wone.

Nɔɔno maama wae o jwonj wolim delo o teo gɔmente na jege de woli de nɔɔnbia maama to, ko ma da ko ma da.

Gɔmente maama dam wo taa tɔge de nɔɔnbia kwora na we tei to mo. Nɔɔnbia bam kwora kam mo yei ni ka bere nɔɔnbia bam na wo kuri ba gɔmente dem paare tiina tei to. Kurim dem jege se ko de voti lao naga mo, se nɔɔno maama voti o bobonja na laga tei to, ye se ko de voti wadaa kam naga chekke.

Wadaa 22

Nɔɔno maama teo gɔmente jege se de taa choo o ɲwea laɲa ne de de dam, de de naduni dedaane de na jege nimɔɔ tei de sateene dedwonna to se ko pa nɔɔno wom ɲwea ja kuri se o wane o ji nɔɔno lanyerane.

Wadaa 23

Nɔɔno maama wae o ke tototɔ; o wae o kuri o bobotɔ na de tototɔ delo, ye fee wora se tototɔ dem taa jege kuri na pa o ywonni de wopwolo ye o ba lia we ba wo zan ba le o tototɔ dem ne to.

Nɔɔno maama ka, ye ko ba chuli o na ye wolo dwi to, jege se o taa jwɔŋ ɲweo na mae de o tototɔ dem dam na mae tei to mo.

Wolo maama na totɔ ko maŋ se o ɲweo taa ye zegere se ko wane ko ni o tete dedaane o diga tiina lanyerane. Ko ta maŋ se o taa ne fee o tototɔ je ne.

Nɔɔno maama wae o tɔge o zoore tototɔ je tigusim yalo na wo woli o o tototɔ laŋa seini to.

Wadaa 24

Nɔɔno maama jege chwɔŋa se o taa jege sio de sio maŋa, dedaane hawase bagera o na o ke tototɔ je ne to; ye o ta wae o jwɔŋ daa bem wone o jeini sɔŋa ne o sia ye ba baa le o ɲweo wone.

Wadaa 25

Fee wora se nɔɔno maama taa ɲwe ɲwea na jege kuri ye ka ywoma ka pae o tete de o diga tiina to. Ko maŋe se wodiiru, zora je, assibita na ni yezura seini to dedaane won-telo maama na wo woli pa se ɲwea taa ywoma to taa wora. Fee ta mo wora se wolim taa wora ko pae nɔɔno maama nenɛne o na ba totɔ, o na weela, naa o na jigi nabwom jaweo ɲwaane, o na ye badeim naa kadeim, o na kwe naa nɔɔno na ye zore tu, o ware se o ni o tete baŋa ne.

Fee wora se ba taa fage ba ni niina de bia baŋa ne lanyerane. Bu maama, o jege kwo yoo o ba jege kwo yoo, ko maŋe se ba ni o baŋe ne mo ba woli o se o ke nɔɔno.

Wadaa 26

Nɔɔno maama jege chɔŋa se o ke sikuuli. Sikuuli veina, ko zege prameiri sikuuli ko vo yi Junia Sekondeiri Sikuuli, wo taa ye zɛɛra mo, ye ko ta ye fefeo mo se bu maama vo sikuuli se ko yi konto. Tekenekal Sikuula de tototɔ berem sikuula nenɛne Kɔleja de wo taa wora se balo na wo vo da to vo. Univesiti de sikuula kamuna yadwonna de wo taa wora se balo na paase ba tɛɛsa lanyerane to vo.

Sikuuli veina naa tɔn-yeino ye se ko pa nɔɔno swa mo poore se o wane o lore kolo maama na lana ko pa nabiino se ko ja wopwolo de yezura ko ba to. Ko jege se ko ja nimɔɔ de badwɔŋo mo ko ba de sateene logo baŋa ne, de nabiina dwi maama de wejɔɔna dwi maama se ko zeini logo baŋa tigusim tototɔ dwi maama na woli logo maama yezura to.

Tiina jege chwɔŋa se ba kuri ba na wo taa lage se ba bia zamese tɔɔ sikuuli delo dwi wone to.

Wadaa 27

Nɔɔno maama wae o tɔge o ke o nabaara kekeo o na lage tei, de keina yadwonna, de "Science" na jaane wodonno telo maama ko ba nabiina jirim naa wolim ɲwaane to.

Nɔɔno maama na popone o tɔɔ o na yei kolo maama logo lam ɲwaane to, fee wora se ba zeini naa ba woli o se o ne ko maana.

Wadaa 28

"United Nations" nia yanto ye se ko pa nabiino maama logo baŋa wolim, de wopwolo de yezura mo.

Wadaa 29

Nɔɔno maama jege fee tototɔ se o ke o na zoore takeiri delo maama ne to se ko pa se o taa ye nɔɔn-ɲwem se o ɲwea ke ywonni.

Nɔɔno fee tototɔ keiri wone o jege se o de wade sem na lage tei to mo. O ba jege se o ke o gaale naa o ke o chɔge badwonna wo. O nam ba jege chwɔŋa o ke o chɔge kɔɔ ywonni de nɔɔno wopwolo, kɔɔ zula ɲwaane.

Nɔɔno maama na tɔge nabiina ɲwea de logo baŋa chega chwɔŋa wade sento o jege se o tɔge "United Nations" na lage se ko de tei to mo.

Wadaa 30

Nɔɔno, naa nɔɔna, naa teo ye zan ba boŋe we ba wo wane ba ke wɔŋo se ko leiri naa ko chɔge nia yanto ba na tin tɔɔ konto ne to.